

## **KDYTM TENGKU MAHKOTA PAHANG SANTUNI LIMA ASNAF DI PADANG RUMBIA**

**PEKAN, 3 MAC 2024 :** Kebawah Duli Yang Teramat Mulia Tengku Mahkota Pahang Tengku Hassanal Ibrahim Alam Shah Ibni Al-Sultan Abdullah Ri'ayatuddin Al-Mustafa Billah Shah selamat tiba di hentian pertama Ekspedisi Mahkota : Mudik Sungai Pahang di Kampung Padang Rumbia, Pekan kira-kira jam 10.30 pagi.

Turut mengiringi baginda di sepanjang perjalanan dari Pekan Riverfront ialah YAM Tengku Panglima Raja Tengku Amir Naseer Ibrahim Shah Ibni Al-Sultan Abdullah Ri'ayatuddin Al-Mustafa Billah Shah, Exco Komunikasi dan Multimedia, Belia, Sukan dan Badan-badan bukan Kerajaan Negeri Pahang dan Pegawai Daerah Pekan, YH. Dato' Zaliza Zulkipli.

Ketibaan baginda di Kampung Padang Rumbia disambut meriah oleh penduduk dengan persembahan tarian tradisional, Gendang Pahang dan barisan kanak-kanak di sepanjang jalan yang menanti ketibaan baginda bersama rombongan ekspedisi.

Pada hentian itu juga, Baginda Tuanku turut berkenan melepaskan benih ikan ke Sungai Pahang sebelum berkesempatan memberikan makan kepada ikan talapia sangkar.

Baginda juga berkenan menandatangani plak Rumah Rakit Maraie Padang Rumbia sebelum menerima cendera kenangan daripada penduduk setempat.

Baginda turut menyantuni dan mengurniakan sumbangan kepada lima rumah asraf di Kampung Padang Rumbia dengan menunggang motosikal bersama penduduk.

Rombongan ekspedisi ini seterusnya berlepas ke hentian kedua di Belimbing, Pekan kira-kira jam 11.45 pagi. - **PAHANGMEDIA**

Disediakan oleh Unit Komunikasi Strategik (UKS)

#MajuTerusPahang

#Pahang1st

#KerajaanNegeriPahang

Oleh : Fansurina Abdullah

Foto : Farizul Hafiz Awang

(LIPUTAN BERGAMBAR)





PAHANG MEDIA  
FARIZUL HAFIZ AWANG



PAHANG MEDIA  
FARIZUL HAFIZ AWANG